



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Vtrum præcisè tertia pars Angelorum ceciderit? Sectio XII.

urn:nbn:de:hbz:466:1-39261

colligit peccatum esse veluti quamdam violentiam, quæ sit naturæ rationali, eo quod naturale sit homini secundum rationem vivere: quam ob causam D. Tho. 1. p. q. 63. art. 1. docet virtutem esse homini naturalem secundum quædam inchoationem, quatenus in voluntate inest quidam naturalis appetitus boni, quod est secundum rationem.

Vtrum præcisè tertia pars Angelorum ceciderit?

SECTIO XII.

ET hoc loco non sit sermo ad literam de casu Angelorum, sed de subuersione fidelium extremis temporibus mundi, qui ob causas suo loco commemoratas stellæ dicuntur: quia tamè Doctores Scholastici cõmuniter hanc stellarum ruinã de Angelis interpretantur, id quæ voluit significari à Ioan. cum ait draconem traxisse cauda tertiã partẽ stellarum de cælo, misisseque in terram, draconis nomine Luciferum accipientes: id nunc eorum gratia excutiendum est, num verè tertia pars Angelorum è cælo ceciderit, quemadmodum videtur significari à Ioanne.

Quæstio hæc multa complectitur. Primũ enim explicandũ est, vtrũ tot præcisè homines assumendi sint in gloriam, quot Angeli ceciderunt: Et quidẽ fuerunt plerique, vt refert D. Th. 1. p. q. 23. art. 7. qui existimarũt tot præcisè ex hominibus esse prædestinatos, quot ex Angelis corruerũt: cuius sententiæ videtur fuisse D. Bern. serm. 68. in Cant. & auctor li. de dilig. Deo c. 3. potestq; confirmari ex verbis illis Pl. 109. *Audicabit in nationib. implebit ruinas*: quib⁹ videtur indicari illos tantũ homines esse prædestinatos qui ruinas Angelorũ supplere possint. Alij volũt plures esse prædestinatos ex hominibus, quàm sint reprobatũ ex Angelis: sic enim existimauit D. Ansel. li. 1. *Cur Deus homo*, cap. 18. ad quam sententiam accedit D. Aug. in enchir. c. 29. & li. 21. de ciu. c. 1. Alij denique putarunt tot esse homines prædestinatos, quot Angeli remanserũt: quod disertis verbis affirmat D. Gregor. hom. 34. in Euangelia. *suprema*, inquit, *illa ciuitas ex Angelis, & hominibus constat: ad quam tantum credimus humanum genus ascendere, quantos illic contigit electos Angelos remansisse*. Verũm hæc in re nihil certũ definiti potest, meliusque est cum D. Thom. loco citato, & ipsa etiam Ecclesia confiteri soli Deo cognitum esse numerum electorum.

Hinc rursus alia neccitur dubitatio, an Angeli sint in maiori numero, quàm vniuersi homines, qui sunt, fuerunt, & erunt? & quidem ex iis, quæ paulò ante dicta sunt, videtur cõfici multò plures esse homines vniuersos, quàm omnes Angelos, si verum est tertiam partem Angelorũ eecidisse. Nam si tot homines vt nimirum sunt prædestinati, quot Angeli corruerunt, cum tertia pars Angelorum ceciderit: ex hominibus autem, non dico tertia, sed nec decima quidem pars saluetur computatis omnibus infidelibus: perspicuum fit multò maiorem esse numerum vniuersorum hominum, quàm vniuersorum Angelorum: siquidem tertia pars Angelorum, iuxta hanc sententiam multò minor est, quàm tertia pars hominum, cum tertia pars Angelorum, quæ cecidit, suppleatur non ex tertia, imò nec ex decima parte hominum. Dicendam tamen videtur multò maiorem esse numerum Angelorum quamquam Lud. Mol. in comm. 1. part. q. 50. art. 3. disp. 2. nihil hac in re audeat statuere, & argumenta vtriusque partis dissoluat.

Verũm Angelos in maiori esse numero, quàm homines, qui sunt, fuerunt, & erũt præterquã quod ipsa Angelorũ præstantia videtur postulare, nõn obscure significari videtur locis illis sacre scripture, quæ de Angelorum multitudine distulerũt, veluti Dan. 7. *Millia milium ministrabant ei: & decies centena millia assistebant ei*. Iob Mat. 26. 53. *Nunquid est numerus militũ eius?* Mat. 26. *Exhibebit mibi modo plusquam duodecim legiones Angelorum*: & Apoc. 5. *Audiui vocem Angelorum multorum: & erat numerus eorum nullus millium*: quibus in locis ponitur numerus certus pro incerto: & procul-

I.

II.

Sunt tot homines saluandi, quot Angeli ceciderunt.
D. Thom.
D. Bern.
Auctor li. de dilig. Deo.
Psal. 109. 6.
Plures esse prædestinatos qui affirmat.
D. Anselm.
D. August.
Tot esse, quot Angeli remanserunt, assertit.
D. Gregor.

III.

Sunt Angeli in maiori numero, quàm vniuersi homines.

IV.

Plures esse statuit.
Dan. 7. 10.
Iob 25. 3.
Mat. 26. 53.
Apoc. 5. 41.